

VI. IGANDEA URTEAN ZEHAR (A)

Otoitza

Jainko gure Jauna,
 bihotz garbi eta zintzoetan duzu zeure atsegina;
 egizu, zure grazian bizi gaitezela,
 Zu gure bihotzetan bizi zaitezen.
 Zure Seme Jesu Kristo.

I. IRAKURGAIA: Si 15, 16-21

Inori ez dio bekatu egiteko agindu.

Siraken liburutik

Nahi izanez gero, beteko dituzu Haren aginduak,
 jakinduria da eta Haren nahia egitea.
 Zure aurrean dituzu sua eta ura;
 hartu nahi duzuna.
 Bere aurrean dauzka gizonak bizia eta heriotza;
 zer duen aukeratzeko, hura emango zaio.
 Neurrigabea da Jaunaren jakinduria;
 haundia Haren ahalmena, guztia ikusten du.
 Haren begiak ikusten ditu egiteak,
 ezagutzen ditu gizakiaren egintza guztiak.
 Inori ez dio bekatu egiteko agindu,
 eta ez ditu zigorrik gabe utziko gezurriak.

ERANTZUN SALMOA: Sal 118, 1-2. 4-5. 17-18. 33-34

R/. Dohatsu Jaunaren legean dabilzanak.

Dohatsu zintzo bizi direnak,
 Jaunaren legean dabilzanak.
 Dohatsu Hark hotsegina egiten dutenak,
 Hura bihotz-bihotzez bilatzen dutenak. R/.

Zuk eman dituzu arauak,
 arretaz gordetzekoak.
 Nire bideak izan bitez sendo,

Zuk ezarriak betetzeko. R/.

Morroi honi egiozu esker bizitzeko,
zure hitzak gordetzeko.
Ireki itzazu nire begiak,
ikus ditzadan zure legearen mirariak. R/.

Jauna, Zuk ezarrien bidea erakutsi iezadazu,
jarraituko natzaio zeharo.
Argi nazazu zure legea bete dezadan,
bihotz-bihotzez gorde dezadan. R/.

II. IRAKURGAIA: 1 Ko 2, 6-10

*Jaungoikoak gizaldien aurretik aukeratua zeukan jakinduria
gure aintzarako.*

San Paulo Apostoluak Korintotarrei

Senideok: Kristau bikainen artean darabilgun jakinduria ez da gizarte honetako jakinduria, ezta gizarte honetako nagusi ustelkorrena ere; baizik eta Jaungoikoaren jakinduria ezkutua darabilgu: gordeta edukia, Jaungoikoak gizaldien aurretik gure aintzarako aukeratua zeukana, gizarte honetako nagusietako inork ezagutu ez zuena; ezagutu izan balute, ez bainzuten gurutziltzatuko aintzaren Jauna.

Baina idatzia dagoenez: «Ez du, ez begiak ikusi, ez belarriak entzun, ez bihotzak sumatu, Jaungoikoak prestaturik daukana, Bera maite dutenentzat». Eta Jaungoikoak guri agertu digu hori Espirituaren bidez. Izan ere, Espirituak den guztia aztertzen du, baita Jaungoikoaren barrenbarrena ere.

EBANJELIOA: Mt 5, 17-37

Aleluia: Ik. Mt 11, 25

R/. Aleluia.

V/. Bedeinkatua Zu, Aita, zeru-lurren Jauna,
zure erreinuko misterioak
jende xumeari erakutsi baitizkiozu. R/.

*Honela agindu zitzaaien aintzinakoei;
Nik, ordea, hau diotsuet.*

Jesu Kristoren Ebanjelioa San Mateoren liburutik

Aldi hartan, Jesusek honela esan zien bere ikasleei: [«Ez uste izan, Legea edota Profetak baztertzer a etorria naizenik; baztertzer a ez, baino betetzer a etorria naiz.

Hara Nik egia esan: Zeru-lurrek iraungo duten bitartean, ez "i" bat, ez izpi bat, ez da Legetik galduko, guztia bete arte.

Beraz, agindurik txikiena baztertzen duena eta baztertzen erakusten duena, txikiena izango da zeruetako erreinuan; betetzen duena, berriz, eta hala erakusten, haundia izango da zeruetako erreinuan.]

Zuen zuzentasuna idazlariena eta farisearra baino haundiagoa ez bada, ez zarete sartuko zeruetako erreinuan.

Entzuna duzue nola agindu zitzaizen aintzinakoei: "Ez duzu inor hilko", eta norbainhiltzen duena, errudun izango da auzitegian. Nik, ordea, hau diotsuet: anaia haserre hartzen duena, errudun izango da auzitegian. [Bere anaiari "zoroa" esaten diona, errudun izango da Batzarrean; eta "sinesgabea" esaten diona, su-leizerako errudun izango da.

Beraz, zure eskaintza aldarera eramatekoan, gogorutzen bazaizu zeure senideak baduela zerbainzura aurka, utzazu eskaingai a han bertan aldare aurrean, eta zoaz lehenengo zeure senidearekin bakeak egitera; etorri, orduan, eta egin zeure eskaintza.

Egizkizu bakeak lehenbaitlehen zeure etsaiarekin, bidean harekin zoazen bitartean, etsaiak epailearen esku utz ez zaitzan, eta epaileak ertzainaren esku, eta giltzapean sar ez zaitzaten. Hara Nik egia esan: ez zara handik aterako, azken txanpona ordaindu arte.]

Entzuna duzue nola dagoen agindua: "Ez duzu ezkontz nahasterik egingo". Nik, ordea, hau diotsuet: emakumeari irrikaz begiratzen dion guztiak, nahastu du harekin ezkontza bere bihotzean.

[Beraz, zure eskuineko begiak arriskuan jartzen bazaitu, atera ezazu eta bota; hobe duzu gorputz atal bat galdu, gorputz osoarekin su-leizean bukatu baino. Eta zure eskuineko eskuak arriskuan jartzen bazaitu, moztu ezazu eta bota; hobe duzu gorputz atal bat galdu, gorputz osoarekin su-leizean bukatu baino.

Agindua dago hau ere: "Emaztea uzten duenak, eman biezaio ezkontza hausten duelako agiria", Nik, ordea, hau diotsuet: bere emaztea uzten duenak —legez kontrako ezkontza izan ezik—, ezkontza nahasteko bidean ipintzen du; eta utzitakoarekin ezkontzen denak, ezkontz nahastea egiten du.]

Entzuna duzue nola agindu zitzaizen aintzinakoei: "Ez egin zinik gezurretan", eta "bete Jaunari egindako zinak". Nik, ordea, hau diotsuet: ez egin inolako zinik: [ez zeruagatik, Jaungoikoaren jarlekua da eta; ez lurrarengatik, Haren oinpekoa da eta; ez Jerusalemengatik, errege haundiaren hiria da eta; ez zinik egin zeure buruagatik ere, ez dezakezu eta zeure ile bakar bat, ez zuri ez beltz, bihur.]

Zuen hizketa honela izan bedi: bai denean, "bai"; eta ez denean, "ez". Gainerako guztia gaiztoarengandik dator».

Oparigaien gainekoa

Eukaristia honek, Jauna, garbi gaitzala eta berritu;

eta zure nahia betetzen dutenentzat

izan dadila betiko sariaren iturri.

Jesu Kristo.

Jaunartze ondorengoa

Zeruko ogia eman diguzu janari, Jauna;
egizu, egiazko biziaren iturriak bila ditzagula beti.
Jesu Kristo.